



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Corpus Doctrinæ Christianæ**

**Melanchthon, Philipp**

**Lipsiæ, 1572**

**VD16 M 2890**

Reliqvae Sunt Interrogationes De Statvis Et Ossibvs Sanctorvm, & de  
consecratione Salis & alijs. De quibus breuis sit responsio.

**urn:nbn:de:hbz:466:1-36094**

re coniugium ijs, qui non sunt idonei ad cœlibatum. Nemo etiam debet socius esse eius prohibitionis, & quidem societas prohibitionis, cum per se se est peccatum, tum vero etiam est societas parricidiorum, quibus illa prohibitio defenditur. Sunt autem hæ propriissimæ Diabolorum furia, impulsiones ad idola, ad mendacia, ad confusiones libidinum, & ad iniusta homicidia. Hæc concurrunt omnia in defensione Pontificij cœlibatus, quæ vera est societas cum Diabolo. Quare Deo gratias agant, qui ab ea societate alieni sunt, nec frangantur animis cum dicimus autores schismatis, sicut Esaias nos coniollatur, Nolite timere probra hominum. Item: Si quis aliud Euangelium docet, anathema sit. Etiam Ethnicus Poëta Euripides in Heraclitis inquit: οὐτε τοῦ ἀφελέα, τιμῶν θρόνον, οὐδὲ μὴ φύσην, εἴγενος μανῆν διάνοιαν. Non igitur prohibeantur hi veri cultus, quos Deus severissime præcipit. Legitimū coniugium, vera Dei invocatio, & exercitia timoris Dei, fidei, invocationis, dilectionis plurima in coniugio, sicut Paulus inquit: Saluator mulier per generationem filiorum, si manserit in fide, dilectione, castitate & modestia, quibus verbis omnes virtutes sanctæ matris complexus est.

**R E L I Q V A E S V N T I N T E R R O G A -**  
T I O N E S D E S T A T V I S E T O S S I V S S A N C T O R Y M ,  
& de consecratione Salis & alijs. De quibus  
breuis sit responso.

O M N I A hæc impia sunt, & cultus idolorum, alloqui ipsas statuas aut ossa, aut fingere Deum aut sanctos magis in uno loco seu ad hanc statuam alligatos esse, quam ad alia loca: Nihil differunt inuocationes, quæ sunt ad Mariam Aquensem, seu Ratisbonensem ab inuocationibus Ethnicis, quæ siebant ad Dianam Ephesiam, aut ad Iunonem Plataensem, aut ad alias statuas. Quod vero miracula narrantur, sciendū est, etiam si qua miracula facta sunt, esse præstigias Diabolorum, quia nullum miraculum recipiendum est contra hanc aeternam legem, Dominum Deum tuum adorabis, & ipse soli seruies. Deus vult est efficax cum Sacramentis, quæ ipse instituit, & modo ibi est efficax, quem instituit non aliter. Ut non fingendum est, Baptismo ablui lepram, non fingendum est, per cenam Domini dari felicem negotiationem, sed Deus eas res dat, quas promisit de vsu, quem instituit. Ceterum exceptis Sacramentis ut instituta sunt, alligare Deum ad vilam rem, quod sit ibi magis efficax quam alibi, est fabricare idolum, & pugnat hæc imaginatio cum his dictis, Isa. 65. Cœlum sedes mea, terra scabellum pedum meorum, id est, Deus ubique adest. Quæ est ista domus quam ædificaris? Ad quem respiciam, nisi ad contritum spiritu, & trementem sermones meos? Id est, Quocunque

K k 2      loco

862 R E S P O N S I O A D A R T.

loco inuocat Deum is, qui verbo Dei regitur, hunc ibi vere exaudiit Deus. Et 1. Timoth. 2. Volo orare viros in omni loco, levantes sanctas manus, sine ira & sine hastatione, id est, Non frenentes adversus Deum, non dubitantes an sit prouidentia, an Deus cureret homines, an te exaudiat. Et Iohan. 4. Prohibetur alligatio ad certum locum cum dicatur: Veri adoratores adorabunt Patrem in spiritu & veritate, id est, uere agnatum iuxta verbum eius, non fingendo aliquid esse Deum, quod non est Deus, sicut Mahomerista, exi dicunt se inuocare creatorem cœli & terræ, tamen fingunt aliquid esse creatorem & Deum, quod neq; Deus neq; creator est: negant enim creatorem esse Patrem Domini nostri Iesu Christi, nec inuocant fiducia filij. Nec Pa-pistæ inuocant fiducia filij, sed aut fiducia propriorum meritorum conantur ad Deum accedere, aut merguntur in dubitationem perpetuam. Est igitur inuocare in veritate, inuocare Deum vere agnatum iuxta verbum ipsius. Spiritu inuocare est habere motus. Spiritus sancti in corde, timorem & fidem, ne inuocatio sit simulatio. Denique nota sit integra doctrina de vera inuocatione Dei, ex qua lumi potest refutatio perspicua impiarum inuocationum. Certum est etiam ad Magistratum officium pertinere curam delendi statuas quo inuocantur, uel ad quas alligatur efficacia Dei aut sanctorum, sicut scriptum est Deut. 12. Dissipate aras eorum, & confringite statuas. In hoc Articulo rursus nobis proponamus questionem de Schismate. Voci-ferantur aduersarij, non facienda esse schismata, ingerens bonum esse concordiam, eamq; anteferendam paruis erratis. Sed his omnibus opponamus vocem primi præcepti, Fugite idola. Item: Si quis aliud Euangeliū docet, anathema sit. Quanquam autem terrible nomen est Schismatis, tamen sciamus nos cogi hoc aeterno mandato Dei, ne homines mortuos inuocemus, neq; ad statuas confugiamus, hanc te-tram imaginationem circumferentes, vel Deum vel sanctos magis exaudire ad hanc statuam quam alibi. Haec non sunt parua errata, sed euersiones fundamenti, nouos Deos fingere, & idola fabricare. Mu-ta autem causa corruptum iudicia in hominibus, in quibus non est lux uerbi Dei. Ut enim in morib; furiosi errant, sic multi fascinati à Diabolis non abhorrent à tretris opinionibus & exemplis. Habent applause Stoici & Manichæi in manifestis mendacij, quale hoc est, Omnia scelera necessario fiant. Non reformidabant Ethniciconfusiones libidinum & maſtationes filiorum. Talia exempla ostendunt magnam potentiam Diabolorum esse in captiuandis hominum mentibus. Sed ut minus atrociam dicam, consuetudo etiam depravat indicia, sicut Aristoteles inquit, ἀστιβαρις ὄντες ἀπόγειος λύσεως. Simonideum illud visitatum est, τὸ δοκῶν παῦλον γένεται τὸν ἀλόθρον. Ethnicis Bacchanalia videbantur esse tolerabiles ludi, sed cum Antiochus ea Ierosolymam

fieri iussisset, cogitemus quanto in dolore sancti senes & sanctæ matronæ fuerint, cum audirent inuocari Bacchum, vagari promiscue viros & mulieres, & rapi aliquas ad sceleratorum libidines. Ita quod multi non abhorrent à compellatione statuarum & hominum mortuorum, sit aut Diabolico furore, aut praua consuetudine, sed hi, in quibus est lux uerbi Dei, cohorrescent cum cogitant se ad statuas fecisse inuocationes, & omnia talia spectacula abominantur, & sciunt mandata & doctrinam Dei de inuocatione, ij non meruant crimen schismatis, sed sciunt necessario obtemperandum esse mandato diuino: Fugite idola, etiam si schismata, discordia, supplicia & ruinae imperiorum sequuntur. Non de parua re certamen est, sed de fundamento, quod retineri necesse est. Multa magna scelera concurrunt in inuocatione hominum mortuorum, statuarum, & panis in circumgestatione, nec dubium est his idolorum adorationibus prenas in genero humano cumulari. PRECEMVR autem filium Dei ueris gemisibus, vt & idola destruat, & semper VERAM ECCLESIAM colligat, doceat, iuuet & augeat, propter gloriam Dei, & prenas mitget.

## DE CONSECRATIONE.

IMPUDENTIA est etiam, non inscitia, postulare ut retineantur magicæ consecrationes olei, salis, aquæ, herbarum, Papistis visitatæ, quas tamen ludibrijs Sophismatum tueri multi conantur, vide-licet hoc argumento:

Dicenda est precatio ad mensam:

ERGO & in Ecclesia fiant consecrationes, ut appareat ex vetustis Canonibus, mulras res in templo allatas esse, & dictas esse pre-  
cations de illis rebus. Sed & ille ipse ritus in vetustis Canonibus taxatus est. Erat enim imitatio sacrificiorum Ethnicorum, in quibus multa pomorum & liquorum genera offerebantur, ut cum inter primicias AEgyptij offerebant & manducabant ficos, vociferantes, DULCIS VERITAS, existimabant se magnum cultum Deo praefare. Erant autem & hi ritus Ethnici κακοζηλιαι patrum, sed superstitione cumulatae. Breuiter autem de Argumento respondeo.

Dicendo est ad mensam precatio:

ERGO fiant consecrationes olei, aquæ, in templis, visitatæ Pontificijs. NEG O consequentiam. Et ratio est, Quia hæc nequaquam sunt similia. Precatio ad mensam agit gratias pro rebus corporalibus, & petit felicem usum corporalem ordinatum à Deo. Consecratio Pontifica transfert res illas ad usum spiritualem contra ordinationem Dei, videlicet, ad deletionem peccatorum, & ad

K k 3 depulsio-